



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-410-3/21**
Datum: **20.09.2021. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ENERGOPETROL“ d.d. Sarajevo za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice sa pratećim sadržajima „ENERGOPETROL“ – P.J. Čengić Vila, općina Novo Sarajevo, Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „ENERGOPETROL“ d.d. Sarajevo daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice sa pratećim sadržajima „ENERGOPETROL“ – P.J. Čengić Vila, izgrađene na zemljištu označenom kao k.č. broj 1397/3 K.O. Novo Sarajevo, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekata i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u podzemnim čeličnim dvoplašnim rezervoarima ukupne zapremine $V = 100 \text{ m}^3$, a skladištenje LPG-a u podzemnom rezervoaru zapremine 10 m^3 .
 - 3.3. Da se vrši redovna kontrola međuplašnog prostora rezervoara za skladištenje naftnih derivata, te njihovo čišćenje i kontrola rada.
 - 3.4. Da korisnik poslovnog objekta za sve vrijeme trajanja ove vodne dozvole obezbjedi da se oborinske onečišćene vode sa lokacije predmetne benzinske pumpe sa pratećim sadržajima nesmetano sakupljaju putem linijskih slivnika sa rešetkom i odvedu do tipskog separatora ulja i naftnih derivata, a zatim prečišćene kanalizacionom mrežom odvedu do ispusta izvedenog u rijeku Miljacku.
 - 3.5. Da korisnik poslovnog objekta za sve vrijeme trajanja ove vodne dozvole obezbjedi da se otpadne vode iz automatske autopraonice prikupljaju putem slivne rešetke u dvokomorni taložnik, te putem interne kanalizacione mreže odvedu do ugrađenog tipskog separatora ulja i naftnih derivata, te nakon prečišćavanja zajedno sa tretiranim oborinskim onečišćenim vodama ispuste u rijeku Miljacku.
 - 3.6. Korisnik poslovnog objekta je obavezan da izgrađene objekte, a čija svrha je odvođenje i prečišćavanje otpadnih voda, redovno održava i koristiti na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.7. Separator ulja i naftnih derivata, te pripadajuće objekte za prikupljanje i odvodnju otpadnih voda, održavati u ispravnom stanju, redovno vršiti njegovo čišćenje i o tome voditi evidenciju.

- 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.10. Prečišćene oborinske i tehnološke otpadne vode moraju ostati u maksimalno dopuštenim granicama definisanim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.12. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice «ENERGOPETROL» d.d. Sarajevo je dužno provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „ENERGOPETROL“ d.d. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije objekta benzinske pumpne stanice sa pratećim sadržajima „ENERGOPETROL“ – P.J. Čengić Vila, izgrađene u ulici Bulevar Meše Selimovića 77, na zemljištu označenom kao k.č. broj 1397/3 K.O. Novo Sarajevo, Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-19-002885 od 13.06.2019. godine;
- Kopija uvjerenja o registraciji poreznog obveznika, izdatog od strane Federalnog ministarstva finansija, Porezna uprava - Kantonalni porezni ured Sarajevo, dana 09.01.2019. godine;
- Kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-UPJR/1-4262-2/09 od 24.09.2009. godine izdatog od strane Uprave za indirektno-neizravno oporezivanje Banja Luka;
- Kopija Rješenja o odobrenju za izvođenje radova na izgradnji nove benzinske stanice na mjestu ranije postojeće, donesenog od strane Službe za oblast prostornog uređenja i urbanizma, općine Novo Sarajevo, Grad Sarajevo, broj: 04-23-1402/09 od 16.05.2011. godine;
- Kopija izmijenjenog Rješenja o odobrenju za građenje, broj: 04-23-1417/11 od 05.12.2011. godine;
- Kopija Rješenja o tehničkoj ispravnosti predmetnog objekta i da se kao takav može koristiti, doneseno od strane Službe za oblast prostornog uređenja i urbanizma, općine Novo Sarajevo, Grad Sarajevo, broj: 04-23-1074/11 od 12.12.2011. godine;
- Kopija mišljenja da za predmetnu benzinsku stanicu nije potrebno pribavljanje okolinske dozvole, datog od strane Ministarstva prostornog uređenja i zaštite okoliša, broj: 05-23-28059/11 III od 31.10.2011. godine;
- Kopija Saglasnosti na projektnu dokumentaciju vanjskih instalacija vodovoda data od strane KJKP „ViK” d.o.o. Sarajevo, 15.03.2011. godine;
- Kopija Ugovora za usluge čišćenja separatora i bioloških prečištača za ENERGOPETROL d.d. Sarajevo sklopljen sa DELTA PETROL d.o.o. Kakanj 05.08.2019. godine;
- Kopija Rješenja o vodnoj dozvoli broj: UP-I/25-3-40-512-3/16 od 06.10.2016. godine donesenog od strane Agencije za vodno područje rijeke Save;
- Izvještaj o monitoringu kvaliteta i kvantiteta otpadnih voda benzinske pumpe i autopraonice „ENERGOPETROL” – P.J. Čengić Vila, Sarajevo, urađen od strane „Inspekt – RGH” d.o.o. Sarajevo, mart 2021. godine;
- Glavni projekat vanjskih hidrotehničkih instalacija i uslovljenog vodovoda benzinske stanice „Čengić Vila”, urađen od strane „ES HYDROTECHNICS” d.o.o. Sarajevo, april 2011. godine;
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20), ovaj organ je pokrenuo upravni postupak, te je dana 17.09.2021. godine izvršen pregled predmetne benzinske stanice sa pratećim sadržajima „ENERGOPETROL” – P.J. Čengić Vila, izgrađene u naselju općini Novo Sarajevo, Sarajevo, o čemu je sačinjen Zapisnik o uviđaju broj: UP-I/25-3-40-410-2/21 dana 17.09.2021. godine.

Na osnovu dokumentacije dostavljene uz zahtjev i Zapisnika o uviđaju utvrđeno je slijedeće:

Na predmetnoj lokaciji nastaju oborinske onečišćene vode sa saobraćajnih i parking površina koje se prikupljaju putem linijskih slivnika sa slivnom rešetkom, odvođe internom kanalizacionom mrežom do tipskog separatora ulja i naftnih derivata, a zatim odvođe do ispusta izvedenog u rijeku Miljacku. Tehnološke otpadne vode sa lokacije automatske autopraonice se prikupljaju putem slivne rešetke u dvokomorni taložnik, zatim odvođe do separatora ulja i naftnih derivata, nakon čega se zajedno sa prečišćenim oborinskim vodama odvođe do ispusta izvedenog u rijeku Miljacku. Oborinske vode sa krova i nadstrešnice se prikupljaju putem oluka i odvođe do priključka izvedenog na gradski kolektor oborinske kanalizacije.

Skladištenje nafte i naftnih derivata vrši se u dva podzemna čelična dvoplašna rezervoara ukupne zapremine 100 m³, a skladištenje LPG-a u podzemnom rezervoaru ukupne zapremine 10 m³.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda i tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.ing.građ.

PRILOG: Glavni projekat vanjskih hidrotehničkih instalacija i uslovljenog vodovoda benzinske stanice „Čengić Vila“, urađen od strane „ES HYDROTECHNICS“ d.o.o. Sarajevo, april 2011. godine

Dostaviti:

- „ENERGOPETROL“ d.d. Sarajevo, Azize Šaćirbegović 4b, 71000 Sarajevo (sa prilogom)
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava